

Prome Minister ta elabora riba e carta di CAft na Parlamento di Aruba

RECIENTEMENTE, CAft a dirigi un carta na Parlamento di Aruba unda ta urgi Parlamento pa trata e Presupuesto 2025. Tambe eyden ta informa cu e rebaho di tarifa di impuesto cu Gobierno kier duna ta legitimo, y tin fondo p'e. Cu esaki, CAft ta duna Gobierno rason cu tin espacio financiero pa rebaha e tarifa di belasting pa asina 28 mil hende no paga belasting mas riba nan entrada.

Carta CAft 3 feb

Prome Minister Evelyn Wever-Croes ta indica cu ayera 3 di februari, CAft a manda un carta pa Parlamento di Aruba pa trata e presupuesto. E mandatario ta splica cu a manda e presupuesto pa Parlamento di aña pasa caba, prome cu eleccion. Awor CAft a “trek aan de bel”, mandando e carta indicando na Parlamento pa trata e presupuesto cu ta algo di suma importancia.

Tambe e carta di CAft ta indica riba e cambio di impuesto cu Gobierno a introduci. Cu esey tin un efecto financiero substancial pero cu Gobierno tin afdoende financiele ruimte, suficiente espacio financiero pa rebaha e impuesto.

A crea espacio financiero

Gobierno a crea espacio financiero cu BBO na frontera y a dicidi cu e placa

aki lo duna bek na e pueblo door di reduci e belasting riba nan salario. Cu esaki 28 mil hende no ta paga belasting mas y 12 mil hende cu si ta sigui paga, tambe ta haya un reduccion di entre 3 pa 4 mil pa aña. Un decision cu Gobierno a tuma den beneficio di e pueblo di Aruba.

No obstante, algun oponente a cuminsa critica y ataca e decision aki pero tampoco niun a bisa di draai e bek paso nan sa cu e ta den beneficio di e pueblo.

Riesgonan sin presupuesto

Prome Minister ta sigui bisa cu e carta cu CAft a manda pa Parlamento ta wordo hopi comenta na e momento aki, pero mester lesa e carta bon. Si no pasa e presupuesto 2025, tin hopi riesgo pa Aruba. Riesgo pa paga debe entre otro y no ta bon pa pais Aruba no tin un presupuesto. E mandatario ta di acuerdo cu CAft riba esaki mencionando cu tambe di su parti e lo haci tur esfuerzo pa e presupuesto wordo trata mas lihe posibel, y prome cu 31 di maart 2025 manera indica den e carta di CAft.

CAft: Cambio di impuesto ta legitimo

Tambe CAft ta indica cu e cambio di impuesto aki ta legitimo den e cuadro actual di ley. Loke CAft ta bisa tambe ta cu posiblemente (“mogelijke”) tin un buraco den e ley (“leemte”) y ta pidi Parlamento pa tapa e buraco ey.

“E carta di CAft ta sostene e posicion di Gabinete Wever-Croes 2, cu nos decision di yuda 28 mil ciudadano pa nan tin mas placa den nan man, ta legitimo y tin placa p'e. E carta tambe ta pidi atencion pa un problema serio y esey ta cu CAft kier pa e presupuesto 2025 wordo trata y cu e rebaho di impuesto ta den e cuadro di ley existente y tin espacio financiero p'e. Esaki ta un sosten pa colega Minister Xiomara Maduro cu a haci un trabou excelente y duro pa crea e espacio financiero pa nos por duna bek na comunidad. Esnan cu kier critica, lesa e carta di CAft hopi bon y compronde cu e carta ta confirma cu loke nos a haci ta bon” Prome Minister a expresa.

Tara Lounge & Elements Restaurant Embark on Exciting Renovations!

The award-winning Elements Restaurant and Tara Lounge are being revamped with elegant, eco-friendly designs, unveiling new planet-forward menus for both the restaurant and its famous Sunday Brunch

THE TARA LOUNGE
REOPENED **OCTOBER 15**

ELEMENTS WILL DEBUT
ITS RENOVATED LOOK ON **DECEMBER 15**

Experience exceptional dining and a new View to Dine For at Bucuti & Tara Beach Resort, Aruba's top-rated resort!

